

LN250.125

38

13

24

宜黃縣志



宜黃縣志卷三十九

寓賢目錄

宋孫覲

元吳澄

明羅汝芳 吳道南 張斌 方以智

國朝羅有高

宜黃縣志

卷三十九

人物 寓賢目錄一



宜黃縣志卷二十九下

寓賢志

吾邑僻處偏陬冠蓋之所罕臨然山峻而奇水清而  
駛通儒碩彥往往寄跡其間至於棲真之館選佛之  
場固不乏焉又挫廉逃名之士之所棲託也綜而錄  
之欲令踏雪飛鴻長留芳跡云爾

宋孫覲晉陵人宣和六年以尙書員外郎參詳貢舉謫  
官道臨川寓宜黃最久爲縣令鄧庾作縣治學宮二  
記又爲周執羔作丞廳記文詞雄偉允稱作者遍歷  
宜黃縣志

卷三十九 寓賢

邑中名勝題咏甚富後以召去

元吳澄字幼清號草廬崇仁人十五歲卽用力聖賢之  
學至元中邑人吳東子建義塾扁曰明新堂設先聖  
像行釋菜禮奉書幣延先生主講席值鄰境有警奉  
母游夫人寓門人鄒志道蒼廬自留義塾數月元祐  
三年隱居崇賢鄉五峯僧舍著易纂言又嘗客鈴山  
鄧氏鄧應元建迎恩橋爲之作記

明羅汝芳字維德號近谿南城人嘉靖甲辰成進士不  
就廷對曰吾學未信不可以仕歸而訪師友周流四



方者十年與神罔應有實相契合旨造訪焉

吳道南字會甫號曙谷崇仁人未第時與歐陽梯同讀書於陽坊延壽觀中稱莫逆交至今傳有滁嶺詩書樓記諸作後登萬歷乙丑焦竑榜進士第二人官至東閣大學士諡文恪

張斌字憲卿金谿人為諸生時嘗讀書崇賢鄉杜嵐寺與寺僧模善後以臨川籍登天啓乙丑進士官南京兵部郎僧模往乞公文持歸徧叩檀度得鏹千計復乞公為贄於禮部請致毘盧大藏尊經以歸經歸二

宜黃縣志

卷三十九

寓賢

二

年所而公觀察粵西以勤民死

出此觀堂集府志仕績傳

方以智字密之桐城人登崇禎庚辰進士官檢討故名

家子稟異慧自詩文詞曲聲歌書畫雙鉤填白五木

六博以及吹簫搥鼓優俳評話之技無不極其精妙

甲乙後薙髮為苦行頭陀更名宏智號無可又號藥

地五老木立

一作木力

住金陵高座寺遁迹五嶺自蒼梧

抵廬山最後住吉安之青原山終焉閉居南城資聖

新城廩山南豐程山嘗至吾邑白土寺題其楹手自

書之又嘗作石碧接三平頌及蘭城和上塔銘又有



與崇先和上書云向有彷彿欲書皆棄去今有索者侍者從各處搜而集之頗爲重疊禪樂府乃病中婆和知己欲爲楊惠之塑上去其胛肥幸爲刪改之取數則足矣不吝削風幸甚幸甚崇先不知何許人其手跡今存余希齋學程家所著有浮山全集通雅易物古今性說一貫問答物理小識炮莊等書

周亮工讀畫錄

王士正池北偶談 朱桐川 明人詩鈔 南豐志 石岩志

國朝羅有高字台山寧都人博極羣書精研宋儒之學兼通內典以乾隆壬午優貢中順天乙酉鄉試赴禮

宜黃縣志 卷三十九 寓賢

三

闈不第乃遍歷名山大川來遊石碧寄菡萏寺一載與余誠齋講學最契題咏甚多後居浙江四明山學者傾慕歸卒於家

